

Ehuhuo-Ozi Nke Ebuo Polu Dejenni Ndi Teshalonika Ndi Teshalonika, Nke Ebuo

¹ Polu le Sivanosi le Timoti de ehuhuo-ozini. Enyi ri e dejenni uka Teshalonika hun ri ime Osolobue Nedi enyi le Di-nwonni-enyi wu Jesu Kristi ya.

² Efoma le udon hun gha aka Chuku Nedi le Nna enyi wu Jesu Kristi bia ya rini unu.

Osolobue E Dnmekwe Unu

³ Umune, o furu efuru ni enyi gi ifiri unu a kpanmin Osolobue ogen ile, makeni okukwe onu ri e sue oda-oda, ihien-osusu onye-onye ime onu nwe ebe ibe e ri rizikwo a bawaye.

⁴ Ya hain enyi le enwen enyi gi e gi unu a nyan isi ime uka Osolobue ile ri ichen-ichen. Enyi gi unu a nyan isi make owuzo unu wuzo le okukwe unu to e nwon ime ukpokpo ile we ri e kpokpo unu le nsongbu ile unu ri e dingbu.

Okinkin-ikpe Kraisti Wela

⁵ Ihien we ri e me unu ri a ghosi ni okinkin-ikpe Osolobue wela furu efuru. We gizi nsongbu ndini we e me unu a wuru ndi ru ogo ibanye Ali-eze Osolobue hu unu ri a tani afunfun.

⁶ Ezioku ro, makeni, o furughu ni Osolobue we afunfun yegwari ndi ahun ri e ye unu afunfun,

⁷ me unu ndi ri a ta afunfun zu iken—mezikwo enyi nwen zu iken. O jenkwo d'e me e ogen Dinwonna-enyi wu Jesu k'e gi gha enu-igwee bia—'ya le ndi mmom-ozu e hu kin-akwanran.

⁸ We k'e gi okun ri e nwnni bia; we k'e megwari we ile marinleni Osolobue le ndi hun humeleni ni ozio ma Dinwonna-enyi wu Jesu isi.

⁹ Ndinu k'a narin afunfun hun wu ntikpo itebite; we k'a gha ebe Dinwonna-enyi le iken o gi nwe ogho ri wepu we—

¹⁰ o ru Uhuohin hu—Uhuohin ahun o k'a bia keni ndi nsu a ye e ogho, keni we ile kwerini jazikwo a mma n'o makazi. Unu le enwen unu k'a rizi ime we, makeni unu kweri oku e hun enyi gwa unu.

¹¹ Ya hain enyi gi e meni unu ekpere ogen ile—a rijo Osolobue enyi n'o me unu wuru ndi k'a ghosi ni oku o kpo unu alanu iwi; enyi a riji a n'o gi iken e runzuchanrin ihien-oma owule unu kwademe obi ni unu k'a run—le orun owule unu gi okukwe a run—

¹² keni we gi ifiri ihien we ri a hun ebe unu ri ye efan Dinwonna-enyi wu Jesu ogho, gizi ifiri Jesu ye onu ogho—ghahani efoma Osolobue le Dinwonna-enyi wu Jesu Kristi.

Isi Nke Ebuo

Onye Ahun Hun A Dancharin Iwu Ile

¹ Dodo ni umune, o me nke obibia Onye-nwonna-enyi wu Jesu Kristi le owegbama we jenkwo d'e wegbama enyi ile d'e kunrun e,

² anile ni obi nahinkenrin onu; anile ni obi gbakama onu make amuma mobu oku-onu mobu

ekukwo-ozì ọwụlẹ—wẹ sị n'ọ gha ẹka ẹnyi bịa—hụn sị nị Uhuoḥin Di-nwōnni-ẹnyi a biaguo.

³ Anikwole ni onye ọwụlẹ gi ụzọ ọwụlẹ dufie unu: Uhuoḥin hu abiakọ mmani oken nnupu-isi hu biagu, e wefuhagu wẹ Onye hu a dancharin iwu ile—Onye hu a dancharin iwu ile hūn ntikpo rizikwo e che ya le enwen e.

⁴ O k'a gha a lusun mmon le iyi ọwụlẹ le ihien ọwụlẹ w'e fe efe ogun; o k'e weshi enwen e elu ni iya kacharin wẹ ile, nke wu ni o k'a banyede ime Ulo-nsọ Osolobue, weri ocho, kpo enwen e Osolobue.

⁵ Unu anyanhanzini ni m gwa unu ihien ndini ogen mme le unu gi ri uzọ ohu?

⁶ Ya wu, unu a maringho ihien gin'e—wẹ gileni ke wepuha a, ni wẹ ri e che ni ogen e rugu wẹ kebe wepuha a.

⁷ Make ni iken hu e buhe idan-iwu a rigule nwan orun, gi nzuzue a run ihien o ri a run; o ke puha ifon. Kani, o k'e zuerihu d'e ru ni e wepu wẹ onye hu ri e gbondonn'e.

⁸ Ogen hu, e wepuha wẹ Onye hu a dancharin iwu ile—hūn Di-nwōnni-ẹnyi wu Jizosi k'e gi uzun gha a onu puha tikpou. Di-nwōnni-ẹnyi k'e gi ogho ya le enwen e wu Di-nwōnni-ẹnyi gi bia gbu e la iwi.

⁹ Obibia Onye hu a dancharin iwu ile k'a wu aka-orun Ekwensu. O k'e gi iken ile ri ichen-ichen le ihien-ahima le orun-atumena ichen-ichen wẹ gi e dufie ihian bia,

¹⁰ ya le udi eje-ndufie ile ri ichen-ichen o k'e gi son ndi hūn lakọ ntikpo, make ni anini wẹ ezioku weri onodi ime obi wẹ, ezioku hūn nke a zuopuha wẹ;

¹¹ Osolobue k'e gi ifiri n'a jugo we ezioku zihe ni we oken ndufie ahun we jenko d'e dufie we, hun k'e me we kweriyeni ntu.

¹² Osolobue k'e me e keni we gi e ma we ikpe, uwe ile gileni ezioku don, kama, eje-ihien a ka we a suo.

We Hoto Unu Keni Unu Nwe Nzuofuha

¹³ Kani, nke unu, umune enyi, onu ndi Dinwonna-enyi bu obi, enyi k'a gha e gi ifiri onu e ye Osolobue ekele ogen ile. Makeni, Osolobue hoto unu isi-mbidon noka mkpuru-ibuzo, keni unu nwe nzuofuha, ghahani odidon-nsa Mmon-nsa le ikwerini ezioku.

¹⁴ Onwan hain Osolobue gi nwan kpo unu ghahani ozioma enyi zi unu; keni unu nwehen ogho Onye-nwonna-enyi wu Jesu Kristi.

¹⁵ Umune, wuzokenme ni nwan! Unu e kwonkenme odinali ndi hun enyi kuzi unu—ke hun enyi gi onu kuzi ke hun enyi gi ekukwo—ozi kuzi.

¹⁶ Onye-nweni-enyi wu Jesu Kristi le enwen e le Osolobue wu Nedi enyi hun gi ihien-osuso o nwe ebe enyi ri meni enyi ohunma ye enyi nkasi-obi itebite le olile-enya ri mma,

¹⁷ dodo kasi nwan onye-onye ime unu obi, me obi unu zekenme, ebe oku-onu le orun owule ri mma ri.

Isi Nke Eto

E Me Ni Ni Enyi Ekpere

¹ Umune, nke ikpazuun rin'a wu onwan: e me ni ni enyi ekpere, ni oku Di-nwonna-enyi hun uzo

ghagbari egwa; ni we e ye e ogho ebe ile—ke unu don ye e ogho.

² E mezikwo ni ni enyi ekpere ni Osolobue gbapuha enyi eka ndi eje-obi le ndi eje-ihian, makeni ele ihian ile kwerini Osolobue.

³ Kani, Di-nwonna-enyi furu onye we gi e don enya; o k'e me unu zekenme, chedon onu—make Eje-onye hu gha e me onu ihien owule.

⁴ Makeni enyi a maringhozi ihien Onye-nweni-enyi k'a saeka me, obi ru enyi ali ni unu ri e me ihien ndi enyi si unu me, ni unu k'e mesonme we.

⁵ Di-nwonna-enyi ya dodo du obi unu ile ni unu ghotu ihien-osusuo Osolobue nwe le oken-ndidi Kraisti, e nwezikwo we.

Akutopukwole Ni Eka

⁶ Umune, enyi gi nwan efan Onye-nweni-enyi wu Jizos' Kraisti e ye unu iwuni: unu le onye Itu-Kraisti owule kutopu eka hun nke o gi bi ke enyi don gwa unu akpakwole.

⁷ Makeni unu le enwen unu a maringho ni o furu ni unu kinrin enyi. Enyi akutopuni eka ogen enyi le unu gi ri uzọ ohu;

⁸ enyi anarinni onye owule ihien-oriri bu enyi akuni ugwo. Enyi a run orun a rungbu enwen enyi uhinhin le efinnai, amamgbe enyi a wuruni onye owule ime unu ibu.

⁹ Elekwọ ni o runi enyi; mba, ihien runi enyi ro. Kani, enyi me erira keni enyi ghosi unu ihien unu e leri e bi.

¹⁰ Ke ogen enyi gide ri ime igunrun unu, enyi ye unu iwuni: “Onye ju n'ọ runko, y'e rile.”

¹¹ Kani, enyi a nuguo ni ndi hu ime unu kutofu aka, e busonme aka e che orun rulen wẹ; o nwonni ihien w'a run.

¹² Enyi gi efan Onye-nweni-enyi wu Jesu e ye ndi no erira iwu, a dun we odun: we nwe ihien aka kuma we; we gi aka we a luru ihien we e gi bi.

¹³ Umune, ndun ime ihien ri mma y'a gukwole unu.

¹⁴ Onye owule gbayeleni ihienni enyi ri nwan e deni unu, unu a koma a enya, gban'a oso—keni ifenren me e.

¹⁵ Ewerikwole n'a ke enenren, ka a gba n'a mkpinsin-aka ke nwene unu.

Oku Ikpazuun

¹⁶ Di-nwonni-enyi le enwen e, onye hun udon gha aka a abia, ya ye onu udon ogen ile le uzo ile. Di-nwonni-enyi ya noyeni onu ile.

¹⁷ *Mme wu Polu gi aka m e de ekeleni. Onwan wu mbiye-aka m, enina ke m'e biye ekukwo-ozu m ile aka.*

¹⁸ Efo ma Nna enyi wu Jesu ya rini onu ile.

**Elu Ọhụn: Ekwkwọ-Nsọ (Azụn Ọhụn rịn'a)
Revision of New Testament in Ika**

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

Copyright Information

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

The New Testament

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files dated 29 Jan 2022

31b0248e-272a-5dee-8226-bcc00c54d9b1